

2 Tesalonaika

¹ Nai Pol, Sailas agod Timoti, girek e migire yen an Kris midaen a Tesalonaika na yan an sam na migane ipalu da. An Anut idsad Tamad in Tubun ak Jesus Kristus da, sisem amado da.

² Anut idsad Tamad agod Tubun ak Jesus Kristus da in sad ilo panek agod ilo maror da dupanan a.

Jesus Kristus imul ipalu san ru

³ Nai teig taog, man pempem an ninemi wo Anut ilo uyan mupani da. Ago migane dan man uyan a, man dugo, an sam ilo rumok Anut lo man tubun mok ilasa da. Agog nug ninen o amat dan dam tubun geig ilasa on da.

⁴ An ninen o saen man Anut san Kris midaen lulunad lo mitililani an, an yanam mabisa se ya. Ata wo? Fun an sam ilo rumok tubun geig, agod an Tubud san dal lo atur sakar on da. Aenta madai in misilaneke da dupanan pe lo au adu o da, ak man mel an an patum apani da.

⁵ Kulob a kuai tem ikibiai panad dan man, Anut san bitinaek itaot mok a. Ru e nabol en fun man, muruan wei mi aleg, an lo Anut malan lo in awok ipanan dop, aben a Anut kagin ipanad san an lo aladu wa. An aben an san a, aben an lo au ak ninen o an madai gamu akubiani da.

⁶ Kagin a Anut an o igane yan nek itaot a. Man dugo, in san ilo sou lo tamolpein a gamu muruan dupanan dan mite gup naon muruan ipidinaip, an lo madai tubun ak dile wan itaot geig a.

⁷ Mel en dam in malan lo itaotan a. In an muruan a ale dan yaes ipanan a, ago dop an ma da sisem yaes bilabal lo tiladu wa. Sañepta saen an ilasa wak i? Saen Jesus in sen yai balen tubun ak aman da did panu ibisei dan lo, tinin walal te iganep ilasa wa, agod in anen enel adi dabdabai ak dida dumul dupalu wa.

⁸ Saen an lo, in in anen pani naon in sen lo inawai geig ak da imul a. Ago dop tamolpein ensauta a Anut ta dulon na, agod tamolpein ensauta a bilalun Tubun ak Jesus ninen o ilo rumok adi dufuleg dulon gug ta duri na yan dam, naon saian geig ak ifuli ipidinai a.

⁹ Muruan mitep dile wan man, daon pempem yen yau san, amaiak lo dudu diau a. Naod dam ifutanip an lo Anut san madok an patun fo dilasa dop, in san dabai girager anda yan ta dile na wa.

¹⁰ Nal an lo, in imul ipalup in san tamolpein gun ak lulunad lo ilasa dop, yanak tubun a girager anda yan inane wa. An lo dop, tamolpein ensauta a ilod lo rumok an malad bulbal pe malad ti ibol pe dile wa. Agod an dam lulunad lo amado wa. Man dugo, saen man in san ru mabol ilasa se yan an ilom lo rumok a.

¹¹ Man mel an ninen o pempem an ninemi wo man sama gudanek igo migane da. Anut in sen, an in anen wagin anane wo idaisuda an ninen o idiran alasa wa. Ago dop in san dabai lo, ilo isou dugo yak agane dan, agod urat a ilo rumok lo ilasa dan dam, an fidian aganep itout a.

¹² Man ago mugudani dan lo tamolpein aenta an ninemi wo idsad Tubun ak Jesus yan an diabisa wa, agod in lo yak ninen an dam yan an diabisa wa. An

lo ilasa san dal an man ilo panek a idsad Anut agod Tubun ak Jesus Kristus da dupanaŋ dan, nek an mi a.

2

Kubiaen riŋanek tamol

¹⁻² Teig taog, idsad Tubun ak Jesus Kristus imul ipalu san, agod id in da sisem tutumani san dam niŋen o kudodom agure wa. Aenkadi Tubun ak san Nal ilasa la yan niŋen ago dubol da. Profet ru ta boi, tia, maŋsama girek ta boi, tia, ru tim maŋ awama lo ilasa ago dubol boi, gidad, ru naok ago yan alon tap, ilom lo ta rumok na wa. Gidad, maŋ ru dabai ak lo igo murupaian den alon a, ririan arut dop ananem kankan ta yau imul na wa.

³ Mel an niŋen o tamol ta ale funi dop dal ta lo ta irawan na wa. Tia, nal an ta ilasa na dop, awa bitek san nal imug mi ilasa wa, ago dop kubiaen riŋanek tamol dam in walal te ilasa wa. Tamol an man daon san gib lo idu san mi a.

⁴ Tamol an tamolpein sad anut gidigheid adi fidian sad ager, agod melmel fidian a tubud igo won ubou ad dile dan sad ager tamol dam imado da. An lo inŋen yan yan yabisa dop, inanen madok aben a Anut san ubou ab lo yan inanep, an fo imasip igo ibol a, “ŋai mi Anut.”

⁵ An ilom inaoŋ boi, saen ŋai imug an da tumado na yan, ŋai mel a niŋen o ŋurupaian se yan dag ilom inaoŋ i?

⁶ Agod gamu en, mel a tamol an yabituani imul pe walal te ta ilasa na wan an alon uyan a. In ago imado yaup inŋan saen fo gup kuai te ilasa wa.

⁷ Man dugo, kubiaen pilalek san dabai en mi-anuk lo mi tan en lo urat igane la ya. Ak gug, enti in an yabituani imul o ago igane yau dop man, Anut in talpein a dabai saian ak yabituani dan gigin na iganep, an lo dabai saian an ibisei yau a.

⁸ Saen an lo mi kubiaen riñanek tamol an walal te ilasa wa. Ak gug, Tubun ak Jesus inñsan Awan Ur nam tamol an mitep ibili idu wa, kumaen panu lo imul ipalu san lilaman girager an nam, daon ipani wa.

⁹ Kubiaen riñanek san tamol an Jesus gamugo imul ipalu dop ilasa wa. Tamol an Satan san tuon lo ipalu wa. Satan tamol an patun fo itur pe ibinawip, an lo dabai awan isa yan lo kulob girager sewak ak, agod kulob tini urer san dam tamolpein naod na idiri ilasa wa. Melmel an Satan san Ru Sewak ak san mi a.

¹⁰ Agod kagin itaot tia yan san rawek naok sensen ak lo, tamolpein a daon panek san dal diri dan irawai mok a. In daon panek dile mok a, man ata wo, ru rumok an niñen o dumat pe an lo Anut patud ipasi wak diñane san o dumoi da.

¹¹ Nek fun an niñen o Anut in tubun mi ilod iduduñanip an lo inñsad ilo sou an gidigidad dop Ru Sewak an niñen o ilod lo rumok a.

¹² Agop an lo fidian a ru rumok ak ilod lo ta rumok nag, kagin saiak an dile dugo ilod siñaokan go youd isa dan, bitinaek an lo dutur pe dudu diau geig a.

Atur sakar a

¹³ Teim taoma, man nal fidian an e Anut ilon ipanan den niñemi wo in ilo uyan mupani man uyanan a. Man dugo, fun lo mok Anut ipilianan

a, ago tag Awan Urgun idiran go gun alasa dan lo, agod ru rumok a ilom lo rumok dan lo dam, patu pasek ale wa.

¹⁴ Kristus san ru an sam na mufulale amaiak lo, Anut an igian an lo patu pasek ipanan a. An lo idsad Tubun ak Jesus Kristus in san girager amaiak an dam an anep amado wa.

¹⁵ Teim taoma, fun an ninen o atur sakar a. Agod Kris kagin mipitenanan an, awama lo alon se yan, agod a man sama girek lo asuti an dam mi abi sakar pe ari uyanan a.

¹⁶ Anut idsad Bai nined o imat dugo, in san ilo panek lo maror bubed lo pempem yen yau san, agod mala nouk mel sin aokan san da ipanad a. Anut nek an idsad Tubun en Jesus Kristus in sen ida

¹⁷ maror bubem lo digane dop, dabai dupanan dan lo urat fidian uyan ak agane wak, agod ninen uyan uyan ak abol ilasa wan dam, an idaisuda geig a.

3

Agudani dop Anut ibinawama wa

¹ Ru wadan, nai teig taog, man ninema wo agudani wa. Ago dop Anut man ibinawamap in san ru imaspalup aben fidian lo yau kisaek on a. Anut asumiani dop panu panu asau ak san tamolpein, lulu had lo in anen ru tubun mi in sad leil lo ilasa wa, nek ibol an sem lulu nam lo ilasa na yak ago mi a.

² Agod taida mi, an agudani dop tamol saiadi, agod tamol a in sad kagin naok senamo geig ak dida, in sad tuod lo man patuma ipasi wa. Man dugo, tamol fidian in ilo rumok amad tia ya.

³ Alonj ak, Tubun en inj awa yabek tamol mi a. Amaiak ninjen o inj anj isatuananj a. Agod injsen mi dumui igo, Satan muruan ipananj o igane dop, naon dal ifutani wa.

⁴ Agod Tubun en anj ninjemi wo mel e rumok en manj ikubiai panama ya. Ru kagin dugo gubak mi mupananj an anj agane da, agod murna dop nek ago mi agane yau a.

⁵ Naj Anut njugudani dop Tubun en anj dal ikubiai pananj a, an lo Anut san ilo panek ka bubem lo yen a, agod nek Kristus itur sakar na yak igo, anj dam ka ago agane wa.

Ayalis dan ninjen o kagin agane wa

⁶ Manj teim taom, Tubun ak Jesus Kristus yanjan lo manj ru kagin en mupananj da. Teid taod Kris adi ensauta a urat digane wo dumoi go, injsad madok an san pitejanek manj awama lo anjane yan ta diri dupani na dan, anj sinjired na ta au na wa. Tamol naok ago yak dam dadi ta ator na wa.

⁷ Man dugo, anj anjsem manjsama kagin naok dugo wonj ari apani san alonj uyanan a. Anj ilom isou, saen manj anj lulunjam lo tumado se yan miyalis man tia ya.

⁸ Manj aenta sad ananj mani se yan, pempem madad na ya. Rumok geig, manj nal fidian tidom ad urat migane da. Fun dugo, manj tamolpein aenta anj lulunjam lo dumado dan manj kagin dupanama se yan lo muruan mupidinai man mamoi a.

⁹ Rumok geig, manj tamol yanama tubun ak mi a. Amaiak ninjen o iloma ibol tap man, manj ka anj musumiananj dop kagin apanama wa. Gug ago migane wan mamoi a. Man dugo, manj anjsam

tinanou igo woŋ mumado da, an lo aŋsem ale dop maŋsama madok en mi ari wa.

¹⁰ Agod saen imug mi maŋ aŋ da tumado se yan maŋ ru e dabai en mupanaŋ a. “Tamol ta urat igane wo imoi tap, aenta sad anaŋ ta yani na wa.”

¹¹ An niŋen o maŋ durupaiama ya, tamolpein kadi urat digane wo dumoig urat ta digane na da. Kawan dutor dop tamolpein aenta sad muruan lo kabuŋad mi disoduduni da.

¹² Tubun ak Jesus Kristus yaŋan lo, maŋ tamolpein naok ago yan dutokubol pe urat digane wo musuŋanaŋi dop ru dabai mupidinaŋi da. An lo iŋ moni diŋanep ate iŋaned anaŋ ka didad a.

¹³ Agod aŋ fidian niŋemi wo man maŋ igo mabol da. Aŋ kagin uyan ak agane wo ilom ta isali na wa.

¹⁴ Aria, talpein ta ru kubiaenŋ girek en lo migire idu yen ta ilonŋ na tap, talpein an aŋ ale wo uyan dop ida ta ator na wa. Man dugo, aŋ ago agane dop man, iŋ miai ifuni wa.

¹⁵ Ak man aŋsam ager tamol igo woŋ ta agane na wa. Tia, ru dabai ak arupeŋi dop ru kagin dam apani wa. Nek ibol aŋanem teim mok lo agane dak ago mi agane wa.

Ru wadan

¹⁶ Tubun ak iŋsen maror san fun. Iŋ nal fidian ka bubem lo maror ipanaŋ ak, dal funfun lo dam mi a. Anut ka aŋ fidian da amado wa.

¹⁷ Nai Pol ru wadan ŋaiseg banig mok nam ŋigire ya. Nai girek fidian ŋigire den lo ago ŋigane da. Ata wo, nai banig mok nam girek e ŋigire den lo, tamolpein fidian dulonŋ man, girek en ŋaisag na mok ipalu ya.

¹⁸ Idsad Tubun ak Jesus Kristus san ilo panek an fidian da amado.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Apr 2025 from source files dated 31 Aug 2023

757b3e4e-2023-5b45-893a-ee9294ddeb9d